

Duzbit Gou Gyaez Haenx

我喜爱的小鸭子

贵港市覃塘区蒙公乡高占小学五年级 李起易

Daxboh cawx seiq duz bitlwg ma hawj gou ciengx, gou sim' angq raixcaix, aenvih gou coengzlaiz mbouj ciengx doenghduz iq gvaq.

Bitlwg miz duz ndeu dwg bitndaem, sam duz dwg bithenj. Gyoengqde byaij loh hwnjdaeu couh lumj baenz aen baenz aen giuznyoengq lingx, lij hemq bedbed, gyoengqde cungj dwg comz youq itheij.


Gou gyaez yawj bitlwg gwn doxgaiq, gig mizyinx. Aen bak bitlwg bemj lumj fag canj iq, gwn doxgaiq seiz, seiz mbouj seiz fat ok sing cik cik, bak canj mbouj dingz, baez seb ndaej doxgaiq le yaengx hoz hwnjdaeu couh gyan roengzbae lo. Yawjraen gij yienghceij gwn gak gwn gw gyoengqde, gou siengj dungxbak bitlwg caen ndei ha! Hoeng, mizseiz gwndong seiz, gyoengqde hix mbouj

lauxsaed, doxcaenx, luenh sip, lij dawz aen buenz cang gijgwn haenx caenx boek lo.

Ciemhciemh dwk, duz bitndaem haenx maj hung di, beij sam duz bithenj ndang cangq di, ndigah gwndong seiz ceng ndaej daegbied ak. Lumjbaenz de dang daeuz, de baez gvaqdaeu, sam duz bithenj haenx cungj lau deuz bae henzbangx, yaengyaeng gwn. Doeklaeng, gou gag gueng duz bitndaem. Miz baez ndeu, gou youq ndaw gijgwn cuengq di faenj lwgmanh, bitndaem hai bak baez canj, gyan gaemz hung ndeu, gwn sat le, daengx lwgda, lumjbaenz rox gij gwn mbouj ityiengh, couh haenqrengz youq gwnz dieg muz aen bak swheij, ciep dwk youh heux aen buenz song gien, bedbed hemq, lumj naeuz: "Geizgvaig, neix dwg gijmaz doxgaiq, geijlai manh

ha! " Gou riu naeuz: "Yawj mwngz lij ciengj mbouj ciengj!" Duz bitndaem gwn mbouj ndaej roengz lo, couh dauqcawq buet, raen raemx couh seb. Caen mizyinx, gou riu ndaej raemxda lae okdaeu lo. Daxmeh yawjraen le, naeuz: "Siujmeiz, mwngz gaej loengh duzbit ha!" Gou cijndei caiq vuenh gijgwn daeu.

Dingq vunz gangj nyiengh bit ndaej bit biz. Gou couh gaez duz bitndaem daeu, sien geuh hai aen bakkbemj, de hemq bedbed, gou mbouj guenj sam caet ngeih cib it vax gaem haeuxyangz couh haenqrengz nyaenj haeuj bak bit bae, duzbit buekmingh cak, luenh bek song fwed, ndaw bak hix fat mbouj ok sing hemq lo. Daxmeh yawjraen le, doiq gou naeuz: "Aiya, mwngz aeu nyiengh dai duzbit ya!" Gangj sat couh daj ndaw bak



duzbit mbon ok haeuxyangz, langh youq gwnz dieg, duz bitndaem hemq bedbed buet laj gofaex bae ndoj lo. Daxmeh gangj caj duzbit majhung le cij ndaej nyiengh gijgwn ha! Seizneix gou cij rox, ciengx bit lij aeu miz cihsiz cij ndaej.

Daj baez neix hwnj, gou mbouj caiq luenh loengh duzbit lo. Gou roengzsim ciengx duzbit, maqmuengh gyoengqde vaiqvued majhung.

(指导老师:覃珍团)

Cuengq Yiuhrumz

放风筝

上林县大丰镇皇周小学二年级二班 韦文导

Seizcin daeu lo, goliux heu lo, dujva hai lo, roegenq daj baihnanz mbinz ma lo.

Siujmingz, Siujhoengz caeuq Siujdingh moix vunz gaem duz yiuhrumz gyaundeideu, daeujaengz ndaw gunghyenz, siengj caj rumzcin cuengq yiuhrumz.

Gyoengqde genjcaz yiuhrumz, miz-mbangj yawj diuz sienq cug maenh caengz, mizmbangj yawj yiuhrumz gyaeu mbouj gyaeu.....

Duz "byagim" Siujhoengz gig vaiq mbin hwnj gwnzmbwn bae lo, "byagim" dawz gwnzmbwn dangguh dah iq, youq ndaw "dah iq" youz bae youz dauq.

Ciep dwk, duz "canghyiz" Siujmingz hix mbin hwnj gwnzmbwn lo, "byagim" caeuq "canghyiz" guhcaemz hwnjdaeu lo, "canghyiz" mbin daengz gizlawz bae, "byagim" couh riengz daengz gizlawz.

Doeklaeng, "duzrwi iq" hix mbin hwnj gwnzmbwn lo, sam duz yiuhrumz couh caez youq gwnzmbwn cwxcaih youzlangh.

Seizneix, gij yiuhrumz gwnzmbwn yied daeu yied lai.

Baihneix miz "roeglw"、"duz-fungh"gyoengqde mbin dwk; baihaenx miz "duzyiengz"、"duzguk"gyoengqde buet dwk.

Sam boux siuj baengzyoux caez yawj yiuhrumz gwnzmbwn, angq dwk riu lo.

(指导老师:李文杰)



Saw Caeuq Gou

书和我

武鸣县仙湖镇中桥小学五(2)班 潘银珠

Saw, dwg goekgaen sengmingh, dwg doenghlig vunzloih fazcanj, de lumj gij gwn yingz-yangj, vunz cungj noix mbouj ndaej de.

Saw daiq haujai cihsiz fungfouq hawj gou. De dwg boux lauxsae ndei gou, de lumj aen daeng neix ciuq rongh diuzroen baenaj gou.

Saw buenx gou bet bi lo, gij saw doiq gou ceiq cungyau haenx, bonj daih' it dwg swdenj. Gou bungz daengz gij cih mbouj rox roxnaeuz cih mbouj rox doeg seiz, "swdenj lauxsae" doq ndwn okdaeu bang gou gajgez gij gunnanz haenx. Gou ceiq gyaez boux "swdenj lauxsae" neix!

Baiz youq daihngaih dwg Siujhagseng Cozvwnz 350 Cih

Dacenz. Gou baez nduj yawj bonj saw neix seiz, dwg labluenx yawj, doeklaeng dingq daxboh son le, gou cij rox baenzlawz yawj saw cij ndaej miz souhaeu. Bonj saw neix son gou haujai bonjsaeh, gou gyaez Siujhagseng Cozvwnz 350 Cih Dacenz bonj saw neix.

Gogaeq Gohyozgyah baiz youq daihsam, ndaw saw neix miz haujai gogaeq gohyozgyah hawj vunz gamjdoengh haenx, gou yawj le raemxda lae lumj caw, gou rox moix boux vunz cwnzgunggh baihlaeng cungj miz aen gogaeq gamjdoengh vunz he. Gyoengqde cwnzgunggh cungj liz mbouj ndaej saw caeuq roengzrengz, gou hix gyaez bonj saw neix.

Gou lij miz haujai saw, gou hix gyaez gyoengqde.

Saw, dwg souj go he, sawj vunz simsangj miz rengz, coi vunz haenqrengz baenaj; saw, dwg fuk veh he, lai saek lai rongh, hawj vunz vuenyungz caemdingh. Saw, youq gou siengsim seiz, rub aen sim sieng gou, youq gou vuenheij seiz, caeuq gou faenyiengj saeh angq, youq gou cunghdung seiz, hawj gou hag rox nyaenx heiq. Dwg saw hawj gou menhmenh roxnyinh le doengh aen seiqgyaiq neix, dwg saw hawj gou hag rox baenzlawz guhvunz, dwg saw hawj gou yawj ndaej gvangq yawj ndaej gya, hix dwg saw hawj gou cihsiz mbouj gungz. Youq gou yawj daeu, vunz mboujduenh demlai cihsiz caeuq coengmingz, cij dwg boux vunz cingqcaen ak he.

(指导老师:莫丽珍)

Gou Gyaez Seizcou

我爱秋天

德保县隆桑中心校五年级 陆伊

Gou gyaez seizcin ndit raeurubrub, seizhah ndit rongh-cancan, seizdoeng doeksiet foen-foen. Hoeng gou ceiq gyaez lij dwg gij cingzcek hung seizcou.

Dahsau seizcou daj gwnz-mbwn mbin gvaq seiz, mbwn couh bienq ndaej lamzyubyub, lumj daihhaij yawj mbouj daengz bien

ityiengh, ndaw lamzyubyub haenx, miz geij duj fwjhau youzyedyed, couh lumj ruziq youq ndaw haij youz ityiengh.

Dahsau seizcou daeu daengz ndaw ndoengfaex, hawj ndoengfaex rieg geu buh seizcou, mbawfaex daj gwn nyefaex foenfoen doek roengzdaeu, couh

lumj duz mbungqmbaj menhmenh diuqfoux nei. Gou bae ndaw ndoengfaex gip mdawfaex dauqbae ranz, doq baenz fuk doz gyaundeideu he.

Dahsau seizcou daeu daengz ndaw suenmak, makleizsan mbe bak riu mdouj dingz; baenz roix baenz roix makit venj youq gwnz gyaq, hawj vunz myaiz rihyoekeyoek; makmbae lumj baenz aen baenz aen daengloengz henj venj youq gwnz go, makgam ndonj gyaeu ok guengh mbaw heu daeu, cingq angq dwk ne?

Seizcou caen gyaundeideu ha! Gou gyaez seizcou.

(指导老师:李金帅)